



Universitätsbibliothek Paderborn

**Johannis Michaelis Dilherri Contemplationes, Et Suspiria
Hominis Christiani**

Dilherr, Johann Michael

Norimbergae, 1660

III. De hominis à Deo recessu, Diaboli fraudibus; Dei omnipraesentia, & clementia.

urn:nbn:de:hbz:466:1-10209

20 CONTEMPLATIONES
meam neglexi ! Heu tristis & lacry-
mosa mutatio ! homo paradisicola,
terræ dominus, cœli civis, domesticus
Domini Sabaoth , & cœlestium virtu-
tum cohæres, repentinâ se conversio-
ne qvò præcipitavit ?

Propter infirmitatem, jacet in sta-
bulo : propter pecuinam similitudi-
nem, ferè indiget fœno : &, propter in-
domitam feritatem, propemodùm al-
ligatur præsepio.

Excidi, excidi : & non est qvic-
quam, qvod reducat ; nisi tu : ô Mis-
ericordissime !

CONTEMPLATIO- NUM ET SUSPIRIO- RUM HOMINIS CHRISTIANI

III.

*De hominis à Deo recessu,
Diaboli fraudibus, Dei omni-
præsentia & clementia.*

Mirabilis es, Domine ! & lauda-
bilis valdè : magna virtus tua,
& le-

& lenitatis ac bonitatis, beneficentiae
& clementiae non est numerus.

Confiterit tibi volo ego homo, ali-
qua portio creaturæ tuæ, & homo qvi-
dem circumferens mortalitatē meam,
circumferens testimoniu[m] peccati mei:
& tamen laudare te volo, homo,
aliqua portio creaturæ tuæ.

Non essem, qvicqvid sum: sine te
si essem.

Tu eras in me; ut ego essem: &
essem apud te; sed abii à te. Qvan-
qvam etiam sic sum in te, & apud te.
Qvomodo enim abirem, aut abessem
à te? qvomodo fugerem à facie tua?
Si adscenderem in cœlum; illic esses;
præcipitasti enim inde spiritum super-
biæ, ac auctorem inobedientiæ. Si
stratum facerem in inferno: ecce tu
adesses: claves enim ejus habes, & ja-
nuam ejus aperis, etiam in te non spe-
rantibus.

Si in abyssum maris me submerge-
rem; me ibi prehenderes: ejecisti
enim immorigerum Jonam in ceti in-
gluviem; conclusisti eum dies & no-
ctes:

22 CONTEMPLATIONES
Qtes: & non laceratum, non vulnera-
tum, non læsum protraxisti.

Si itaq; vel ad sumerem alas auroræ,
& habitarem in novissimo maris: eti-
am illuc manus tua deduceret me, &
apprehenderet me dextera tua.

Si dicerem: saltem tenebræ occul-
tabunt me: etiam nox lucebit, pro-
pter me. Etiam tenebræ non occul-
tant à te; & nox, ut dies, lucet: tene-
bræ sunt, ut lux; & lux, ut tenebræ.
Non tecta, non vela, non muri, non
parietes, non cellæ, non specus subter-
ranei, aut tenebricosæ speluncæ, præ-
sentiam tuam excludunt: intimius no-
bis præsens es, qvam nos sumus ipsi
nobis. Vitam, actiones, cogitationes
omnes penetras. An latere possit qvis-
qvam in latebris: ut tu non videas
ipsum? an non cœlos & terram tu im-
plies? ac Deus es è propinqvo; non è
longinqvo? Tu totus oculus es;
qvia omnia vides: totus auris es; qvia
omnia audis: totus manus es; qvia o-
mnia operaris: totus pes es; qvia u-
biqve præsens es. Propè es; mecum
es:

es : intus es, intra me sedes ; malorum
bonorumq[ue] meorum observator &
custos.

Abii tamen à te, Deus meus ! reces-
si à te, deserui te.

Erubesco, cùm hæc dico ; dico ta-
men libenter : qvia statim tua se mihi
ingerit misericordia. Milites, statio-
ne desertâ , capitali animadversione
puniuntur ; & qvi in acie saltē prior
fugam fecit , vitam amittit : qvin &
clypeum amittere , præcipuum flagi-
tium censetur ; arma abjicere , igno-
miniosissimum habetur. Ah ! qvām
turpiter de mea ego statione , injusu-
tuo , Imperator cœlestis & æterne !
decessi !

Nondum erat ordinata cum Sata-
na, nec instituta acies ; sed levi saltē
velitatione tentabar : & primo pedatu
clypeum integratatis ac fidei meæ ab-
jiciebam ; arma exuti mihi sinebam :
& fugiebam ab obseqvio, à facie tua.

Qvām levi pugna, qvām puerili for-
titudine, Satanam superare potuissem !

Sed fortē faciebat ipsum , non
ipsius

24 CONTEMPLATIONES

ipsius potentia ; sed mea negligentia.
Sicut homo lucrī cupidus, videns or-
phanum habere divitias , dicit cum
freqenter in domum suam, convivio
excipit , donat illi aliqvid ; & blandis
sermonibus decipit ; donec potiatur
facultatibus : sic Diabolus , videns me
habere pretiosum thesaurum , sapien-
tiam cœlestem in arca terrena reposit-
tam ; statim offerebat mihi divitias ,
voluptates & honores : ut , his inesca-
tum , bonis cœlestibus exueret . Exuit
etiam , & omnibus me thesauris meis ,
qvos servare sancte debuisse , & haud
difficulter potuisse , spoliavit . Quid
vero reddidit ? qvas divitias ? qvas vo-
luptates ? qvos honores ? Quid repo-
nat iste ? cuius hæreditas , & divitiæ ,
torrentis infernalis , piceum & ignivo-
mum barathrum , tortura intermina-
bilis & confusio sempiterna ? Tu ve-
rò , Deus meus ! pro defectione , mihi
receptionem reddidisti : & , pro deser-
tione , gratiam reposuisti . Gratia enim
& miseratio tua prior est , & major , o-
mni delicto , omni defectu meo . Lego ,
à servo

à servo tuo Rege, dictam misericordiam tuam magnam. Dixit magnam: qvanta sit, dicere non potuit. Qvanta sit, nescimus: qvod grandis sit; novimus: qvanta; non valemus apprehendere: nescimus magnitudinis quantitatem; qvæ verbo non comprehenditur. Videmus fructum misericordiæ grandem: nisi enim in immensum extenderetur; non fuissemus à te, post defectionem, recepti. Ah! qvid est peccatum, ad Domini misericordiam? tela arancæ, qvæ, vento flante, nusquam appareat.

Cogita scintillam, si in mare cederit: num poterit stare aut apparet? quantum scintilla ad mare se habet: tantum hominis malitia ad DEI pietatem & clementiam. Imò non tantum modò, sed longè supra. Nam & pelagus, tametsi magnum sit, mensuram recipit: Dei vero clementia mensuram non habet.

B

CON-